

Siunnersuummut nassuiaatit
Nassuiaatit nalinginnaasut

1. Siunnersuummut tunngaviusoq

Naalakkersuisut Siulittaasuata Inatsisartunut immikkut ittumik qinersinissaq nalunaarutigineqassasoq, maannakkut politikkikkut inissisimaneq tunngavigalugu Inatsisartut qinnuiginiarlugit aalajangerpoq.

2. Siunnersuutip imarisai

Siunnersuutip atuunnerani Inatsisartut ulloq 24. april 2018 Inatsisartunut immikkut ittumik qinersineq ingerlanneqassaaq.

3. Pisortanut aningaasaqarnikkut allaffissornikkullu sunniutaasussat

Qinersinermut inatsimmi § 56 naapertorlugu naqiterititsinernut, tamanut saqqummiinernut aamma taasivissanut aningaasartuutit kiisalu kommunit aggornerisa avataanni sumiiffinnut tunngatillugu aningaasartuutit immikkut ittut nunap karsianit akilerneqartussaapput.

Qinersinerup ingerlanneqarneranut atatillugu aningaasartuutit allat kommunimit pineqartumit akilerneqassapput.

2018-imut aningaasanut inatsimmi kontumi pingaarnermi 70.15.05 Qinersinermut aningaasartuutit, kr. 953.000 aningaasaliissutit immikkoortinneqarput.

2018-imut aningaasanut inatsimmi kontumi pingaarnermi 70.15.03 Partiit qineqqusaarnerannut tapiissutit, kr. 3.620.000 aningaasaliissutit immikkoortinneqarput.

Siunnersuut, 2018-imut aningaasanut inatsimmi aningaasaliissutinut immikkoortinneqareersunut tunngatillugu, allannortitsinermik kinguneqassanngilaq.

4. Inuussutissarsiortunut aningaasaqarnikkut allaffissornikkullu sunniutaasussat

Siunnersuut inuussutissarsiortunut aningaasaqarnikkut imaluunniit allaffissornikkut sunniuteqassagatinneqanngilaq.

5. Avatangiisinut, pinngortitamut inuillu peqqissusaannut sunniutaasussat

Siunnersuut avatangiisinut, pinngortitamut aamma inuit peqqissusaannut sunniuteqassagatinneqanngilaq.

6. Innuttaasunut sunniutaasussat

Siunnersuut innuttaasunut allaffissornikkut sunniuteqassagatinneqanngilaq.

7. Sunniutaasussat annertuut allat

Siunnersuut allanik annertuunik sunniuteqassagatinneqanngilaq.

8. Tusarniaaneq

Tusarniaasoqanngilaq.

Inatsisissatut siunnersuummi aalajangersakkanut ataasiakkaanut nassuiaatit*§ 1-imut*

Siunnersuutigineqarpoq ulloq 24. april 2018 Inatsisartunut immikkut ittumik qinersineq ingerlanneqassasoq. Ullussaata aalajangersarneqarnerani pingaartumik qinersinermut inatsimmi piffissamut killissaliussat, qinersinissap piareersarneqarneranut atatillugu malinneqartussat, eqqarsaatigineqarput, taamatullu qinersinerup piareersarneqarnissaanut tunngatillugu suliarineqartussat sillimaffigineqarlutik.

§ 2-imut

Siunnersuutip malitsigisaanik ukiuni 4-ini piffissaq qinersiviusoq, qinersinermut inatsimmi aalajangersarneqartoq, piffissamut qinersiviusumut atuuttumut tunngatillugu, saneqqunneqassaaq.

§ 3-imut

Siunnersuutigineqarpoq Inatsisartut inatsisaat ulloq 13. marts 2018 atuutilissasoq.